

Txirritola

ARAMAIO / Barikua / 2002ko martxoaren 22a / 20. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com

Herriko nagusiek apirilaren amaiera arte izango dute oporrak eskatzeko

UBANE MADERA

Penintsula, Balear Uharteak, Kanariar Uharteak edo Portugal izango dituzte aukeran adinekoek oporretara joateko, baita kultura zirkuituak eta natura turismoa ere. Edozelan ere, lekua aukeratu eta eskaerak egiteko epea apirilaren 30ean bukatuko da.

Urtero moduan, IMSERSOk adinekoendako oporren egitaraua atera berri du. Hain justu ere, datorren urterako da orain atera duten opor egitaraua, hau da, 2002-2003rako egitaraua da.

Bost adineko mota joan ahal dira oporretan IMSERSOren eskaintza horrekin: 65 urte edo gehiago dituzten adinekoak; pentsioen sistema publikoko erretiro-pentsioa hartzen dutenak; 60 urte bete dituzten pentsiodunak, betiere, pentsioen sistema publikoen barrukoak bada; eta pertsona nagusia elbarria bada, haren semea edo alaba lagun moduan joatea onartuko dute, baldin eta pertsona nagusiaren elbarritasun maila %45 edo gehiago bada. Eta horrez gain, pertsona nagusiarekin doan laguna ezkontidea bada, ez ditu zertan bete adi-



Apirilaren lehenengo astetik aurrera hartu ahal izango dira inprimakiak Udalean.

naren, pentsioaren eta hiritartasunaren baldintzak.

INPRIMAKIAK, 25ETIK AUERRERA

Bestalde, herriko Udaletik adierazi digutenez, eskaerak egiteko inprimakiak martxoaren 25ean

helduko dira Aramaiora. Hortaz, apirilaren lehenengo astetik aurrera hartu ahal izango dira Udalean inprimakiok.

Gero, irailean, eskaera egin duenak gutun bat jasoko du etxeko postontzian. Eta horren ondo-

ren, bidaia agentzia baten aukeratu beharko du nora joan eta noiz.

Dena dela, informazio gehiago gura duenak Udaleko Gizarte Zerbitzura jo dezake, eguaztentean, 12:00etatik 14:00etara.

ATREBENTZIAEZPADA/ Aramaion etxebizitza gehiago behar dira? Zeinendako?




NAROA BIDEBURU
Ikaslea

Baietz uste dut. Bai kanpokoendako baita herrikoendako ere. Uste dut batzuetan jende asko etortzen dela kanpotik, eta beharko dutela.



ELENA ZUBIZARRETA
Langilea

Kanpoko jendeak hartu du etxe asko. Hemengoak joan ez daitezzen behar dira, baina beldur apur bat ere ematen du kanpokoak uholdeka etortzeak.



MIGEL ANGEL BURGI
Langilea

Bai. Eta uste dut hemen beste 500 bat lagun gehiago baleude, herriarendako bizimodu hobea izango litzatekeela. Giro hobea egongo litzateke.



CALISTO RUIZ DE AZUA
Langilea

Etxebizitza gehiago behar dira, baina gehiegi ere ez, ingurukoendako baka-rrik. Aramaion bizi direndako eta haien familiendako, bereziki.



BENJAMIN ARRIOLABENGOA
Langilea

Beharra badago, eta etxebizitza gehiago egonez gero, normala izango litzateke lehenengo hemengoendako izatea eta gero kanpokoendako.

LABUR

Bihar, organo kontzertua San Martin elizan

Bihar, zapatua, Jose Santos de la Iglesia Ugarte organo jotzale gasteiztarrek kontzertua emango du San Martin elizan, 20:30ean. Corrette, Travers, Buttstedt, Peraza, Andreu, Storace, Galuppi eta Lucchesi musikarien obrak entzuteko aukera izango da.

Jose Santos de la Iglesia Ugartek Madrildo Errege Kontserbatorioan egin zituen organo ikasketak. Espainiako organo jaialdi askotan hartu du parte, baita Espainiatik kanpo ere: Italian, eta Frantzia, esate baterako.

Dirulaguntza eskaerak nagusi osoko bilkuran

Eguaztentean, martxoko osoko bilkura egin zuen Aramaioko udalbatzarrek. Dirulaguntza eskaerak izan ziren nagusi bilkuran; izan ere, batetik, Ibargoiako lokaletarako, Erretiratuen Egunerako eta Gizarte Zentroko pertsionetarako behar du dirua Udalak. Eta diru hori Arabako Foru Aldundiari eskatzea proposatu zuten. Dirulaguntzekin segituz, Pilota Elkarteari eta Guraso Elkarteari eman beharreko laguntzak ere aztertu zituzten. Eta horrez gain, udal txean agertutako pintadak ere izan ziren hizpide.

Areto futbolearen mutilak garaile, baina neskak ez

Joan den asteburuan, kadete mailako mutilek 14-2 irabazizieten Calasanz ikastetxeakoei. Bañera taldeko neskak, bestalde, ez ziren fin ibili eta 3-24 galdu zuten Baro-Caloren kontra. Horrela, bai baitak zein besteak bukatu dute aurtengo Liga txapelketako lehenengo aldia. Aste Santuko oporren ondoren, apirilaren 13an, hain justu ere, hasiko dute bigarren aldia.

TELEFONO JAKINGARRIAK

OSASUNA / LARRIALDIAK

Osasun etxea (txandak)	945 44 53 40
Botika	945 44 50 03
Udaletxea	945 44 50 16
Erzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal Kiroldegia	945 44 53 35
Postetxea	945 44 50 83
Zuiako Eskualdea	945 43 01 67
Suhiltzaileak (Zubillaga)	943 78 28 00

AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
12:00	12:15	13:00
15:20	15:35	16:20
20:30	20:45	

GASTEIZ	ARAMAIO	ARRASATE
08:30	09:15	09:30
13:10	13:50	14:05
	17:00	17:15
19:30	20:15	20:30

OHARRAK

TAMAINA HANDIKO ZABORRAK

Hileko azkeneko barikuan batzen diren arren, martxoan atzeratu egingo da tamaina handiko zaborrak batzeko eguna. Izan ere, martxoaren 29a, barikua, jaieguna da. Horrela, eguna aldatu egin dute, eta datorren apirilaren 3an, eguaztenez, batuko dituzte tamaina handiko zaborrak. Hortaz, bezperan, apirilaren 2an, ilunkeran atera beharko dira kalera.

IBILGAILUEN ZERGA

Trakzio Mekanikoko Ibilgailuen Gaietako Zerga ordaintzeko borondatezko epea apirilaren 5ean zabaldu eta maiatzaren 5ean itxiko dute. Vital Kutxan ordaindu behar da zerga. Edozelan ere, bankuz helbideraturik dauden ordainagiriak apirilaren 15ean kobratuko dituzte. Epealdi hori pasatu eta gero, ordaindu bako zergak %20ko gainkarguarekin kobratuko dituzte.

ZINEA

Atlantis filma izango da ikusgai domekan, 17:00etatik aurrera, kultura etxean.

KULTURA

Aurreikuspenak bete zituzten Barandiaran aita-semeek Paleta Txapelketan

Joan den zapatuan bukatu zen aurtengo Paleta Txapelketa. Zaleek egindako aurreikuspenei kasu eginez, gainera, Barandiaran aita-semeak gailendu dira txapelketan. Haiek jantzi dute txapela. Bigarren lekuan, berriz, Ojanguren eta Garaitak osatutako bikotea geratu zen; hirugarren lekuan Armendarizek eta Orobengoak osatutakoa eta, azkenik, laugarren lekuan, Azurmendi eta Arriolabengoa.

Txapelketaren azken txanpa giro ezin hobean jokatu zutela adierazi digute antolatzaileek. Gainera, sariak banatu eta gero, hamarretakoa egin zuten aurtengo txapelketan parte hartu dutenek. Antolatzaileek adierazi digutenez, datorren urtean Paleta Txapelketa berriro ere antolatzeko asmoa dute.



HERRIKOKONTUAK

SANTA CRUZ APAIZARENA (I)

1872ko abuztuan, Santa Cruz apaiz karlista atxilotu egin zuten. Soldaduek zein atxilotuak Aramaion pasatu zuten gaua. Apaiza fusilatzeok beste kargu bazi-tuen Primo de Riverak, eta hori ospatzeko, jai batera gonbidatu zituen lagunak. Jaia Aramaion egin behar zuten.

Bitartean, atxilotua udal-txeko bigarren solairuan zegoen. Haren zainketa bikoiztu egin zuten, ihesik egin ez zezan. Baina Santa Cruzek horixe zuen buruan. Burukomin handia zuen plantak egin zituen, eta janaria eramaten zion emakumeari esan zion oka egiteko zerbeit emateko. Horrela, Santa Cruz apaizak lortu zuen zaindariak balkoira ateratzen uztea. Ateraldian zapi bat lotu zuen balkoiaren barandian. Geroago, berriro atera zen eta zapiari blusa bat lotu zion. Gaueko hamaikak ziren, eta berriro ere irten zenean, balkoitik salto egin zuen Santa Cruz apaizak, lehen lotutako blusari helduta, hain justu ere.

'Aramaioko ibarraren iragana eta oraina' (J.M. Elejalde)

BOTEPRONTOAN/ Luis Elexpuru · Matxain kaleko alkatea

“Oso kale berezia da Matxain: erdia kale modukoa da eta beste erdia baserriz beteta dago”

Kale inguruan geratuko gara oraingo honetan, Matxainen, hain zuzen ere. Han bizi da herriko emakume zaharrena: Isidra. Bestalde, erreka ondoan egonda, urtean behin amuarrain arrantza egiten dute umeendako Matxainen. Eta auzo alkatea duen kale bakarrenetarikoa da. Horregatik, berezia ere bada. Luis Elexpuru alkateak esan digunez, erdi kale erdi baserri-auzo da Matxain, eta oso ondo bizi ei dira kale berezi horretan:

Zelatan du alkatea kale horrek? Lehendik datorren gauza bat da. Lehen, kalean ere bazen alkatea. Horrez gain, kale berezia da Matxain: erdia kale modukoa da eta beste erdia baserriz beteta dago. Eta

tokatzen denean, baserrietako ganaduak eta kontatzen ibiltzen gara alkateok. Uste dut horregatik dugula alkatea, baserriak daudelako, alegia. **Baserriren bat lekutan ei dago...**

Cuatrocientos esaten diogu. Gipuzkoaren eta Arabaren arteko mugamuga dago, tontor baten. Han hasten da Matxain kalea, eta herriko plazaraino doa. Goi aldera, berriz, Mendiolaraino heltzen da. Lur aldetik handia da, bai. **Mendiola aipatu duzu. Zelan konpontzen zarete haiekin?** Ondo. Guk ez dugu haiekin inolako arazorik.


Berriro izango zara alkate? Irteten bada izan behar, baina ez dut gura.



Zenbat lagun zarete auzoan? Berrogeita hamar bat. Zortzi edo bederatzi baserri daude, eta bakarra bizi da baserrietik. Besteok ardi batzuk, behi batzuk ditugu... baina gutxi. Gehienok erretiratuta gaude... **Zer eskatuko zenioke Udalari?** Bidea konpontzea. Sarri eskatu dugu, baina esaten digute ez dagoela dirurik. Beharra dago. Antzina, Aramaio errepede nagusia zen, gurdiendako. Estua da, paretak jausten... **Eta zubia?** Bihur dago, oker. Lehen ere, konpondu izan dugu. Batzuek esaten dute berria egin behar dela, beste batzuek zaharra konpondu behar dela. Nik berria eskatuko nuke, orain dagoenetan, urak gainekza egin izan du-eta.



Biteri, 8 • ARRASATE
Tel.: 943 79 13 05 • Faxa: 943 79 13 84



“PAL”

burdindegia,
brikolage
eta tresneria

Uribarri etorbidea, 3
Tel.: 943 79 31 99 ARRASATE